

**ქალაქ ფოთის მუნიციპალიტეტის საკრებულო
საფინანსო-საბიუჯეტო კომისია**

ო ქ მ ო № 11

16.08.2021 წ.

სხდომას თავმჯდომარეობდა: თორნიკე კირთაძე
სხდომას ესწრებოდნენ კომისიის წევრები:

ბექა ვაჭარაძე
ოლეგი ნაჭყებია
თორნიკე ხარჩილავა
თემურ დუნდუა
ზვიად დგებუაძე

მოისმინეს: „ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიის სხდომის დღის წესრიგის შესახებ“.

მომხს. თორნიკე კირთაძე

დღის წესრიგი

1. ქალაქ ფოთის მუნიციპალიტეტის მერის მიერ საკრებულოში 2021 წლის 06 აგვისტოს წარდგენილი № 42-4221218112 წერილის თაობაზე.
2. ქალაქ ფოთის მუნიციპალიტეტის 2021 წლის ბიუჯეტის 7 თვის შემოსულობების შესრულებისა და ბიუჯეტიდან გამოყოფილი სახსრების ხარჯვის მდგომარეობის შესახებ. ქალაქ ფოთის მუნიციპალიტეტის მერის 2021 წლის 7 თვის ანგარიშგება საანგარიშო პერიოდში განხორციელებულ გადახდებზე.

მოისმინეს: თორნიკე კირთაძის ინფორმაცია „ქალაქ ფოთის მუნიციპალიტეტის მერის მიერ საკრებულოში 2021 წლის 06 აგვისტოს წარდგენილი № 42-4221218112 წერილის თაობაზე“.

აზრი გამოთქვეს: ბ. ვაჭარაძემ, ო. ნაჭყებიამ

დაადგინეს: საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტის „დ.ა“ ქვეპუნქტის შესაბამისად, მუნიციპალიტეტის საკრებულოს უფლებამოსილებას განკუთვნება მუნიციპალიტეტის ბიუჯეტის დამტკიცება და ცვლილების შეტანა, ხოლო ამავე ორგანული კანონის 102-ე მუხლის შესაბამისად, მუნიციპალიტეტი დამოუკიდებლად განსაზღვრავს ამ კანონით გათვალისწინებული უფლებამოსილების განხორციელებისთვის დასაფინანსებელი გადასახდელების მიმართულებებს.

ამდენად, საკრებულოს კომპეტენციაა ხარჯების დაფინანსების მიმართულებების განსაზღვრა.

საბიუჯეტო სახსრების ეფექტურად და მიზნობრივად ხარჯვასთან დაკავშირებით, კომისიას მიზანშეწონილად მიაჩნია, აღნიშნულ ეტაპზე მუნიციპალიტეტის ბიუჯეტში არ შევიდეს ცვლილება და არ დაემატოს ხარჯი „ჭავჭავაძის IV ჩიხის ასფალტირება“, თანხით 338,7 ათ. ლარი „, შემდეგ გარემოებათა გამო: ზემოხსენებული ქუჩის (ჩიხის) საპროექტო-სახარჯთალრიცხვო დოკუმენტაცია (შემდგომში - პროექტი) დასაკორექტირებელია, პროექტში გათვალისწინებულია ისეთი სამუშაოები, რომლებიც არ უნდა იყოს გათვალისწინებული, ამასთანავე, პროექტით ბიუჯეტიდან უნდა დაფინანსდეს გზის მონაკვეთის ის ნაწილი, რომელიც ემსახურება კერძო კომპანიას და არა მოსახლეობას და საჯარო ინტერესებს, აქვე აღსანიშნავია, რომ არ არის დასაბუთებული აღნიშნული ქუჩის (ჩიხის) ასფალტირების დაფინანსების პრიორიტეტულობა, ბიუჯეტიდან სხვა აუცილებელ გასაწევ ხარჯებთან მიმართებაში, კომისიას მიზანშეწონილად მიაჩნია ჭავჭავაძის IV ჩიხის ასფალტირებასთან დაკავშირებული თანხა 338,7 ათ. ლარი, დასაბუთებულად მიმართულ იქნას უფრო მნიშვნელოვანი ინფრასტრუქტურული პროექტების დასაფინანსებლად.

მომხრე – 6

წინააღმდეგი – 0

მოისმინეს: თორნიკე კირთაძის ინფორმაცია ქალაქ ფოთის მუნიციპალიტეტის 2021 წლის ბიუჯეტის 7 თვის შემოსულობების შესრულებისა და ბიუჯეტიდან გამოყოფილი სახსრების ხარჯვის მდგომარეობის შესახებ. ინფორმაცია ქალაქ ფოთის მუნიციპალიტეტის მერიის 2021 წლის 7 თვის ანგარიშგება საანგარიშო პერიოდში განხორციელებულ გადახდებზე

აზრი გამოთქვეს: თ. დუნდუამ, თ. ხარჩილავამ

დაადგინეს: თორნიკე კირთაძის ინფორმაცია ქალაქ ფოთის მუნიციპალიტეტის 2021 წლის ბიუჯეტის 7 თვის შემოსულობების შესრულებისა და ბიუჯეტიდან გამოყოფილი სახსრების ხარჯვის მდგომარეობის შესახებ. ინფორმაცია ქალაქ ფოთის მუნიციპალიტეტის მერიის 2021 წლის 7 თვის ანგარიშგება საანგარიშო პერიოდში განხორციელებულ გადახდებზე“ ცნობად იქნას მიღებული.

მომხრე – 6

წინააღმდეგი – 0

კომისიის თავმჯდომარე

თორნიკე კირთაძე

